



17. november 2020

Atassut

UKA 2020/41 aamma 46, 85

Bentiaraq Bendtsen Ottosen

**Ilinniartitaaneq sorleq, assassornikkut atuagarsornikkullu Inuit Kulturitoqqarput pillugu ilinniartitsiviusinnaasutut piukkunnarnerullunilu ukkatarinnilluarnerusinnaanersoq pillugu Naalakkersuisut misissueqqullugit peqquneqarnissaannik inatsisartut aaliangiiffigisassaattut siunnersuut. Misissuinermittaaq ersarissarneqassaaq ilinniareernerup kingorna, ingerlariaqqiffiusumik ilinniaqqinnissamut, suliffissaqarnikkullu periarfissat suusinnaaneri, nunanik allanik suleqateqarnikkut periarfissat, aningaasatigullu kingunerisinnaasai, iluaquitissat ajoqutissallu, kiisalu ilinniagaqarfimmut piovereerumut Ilinniarfissap inissinneqarsinnaaneranut periarfissanut tunngasut ilanngullugit misissorneqassallutik. Misissuinerup inernera kingusinnerpaamik UKA2021-mi Inatsisartunut agguaanneqarsimassaaq.**

(Inatsisartunut ilaasortaq Peter Olsen, Inuit Ataqatigiit)

**Inuuusuttut 16-it 25-illu akornanni ukiullit sulilersut imaluunniit ilinniakkamik ingerlatsisut amerlisarneqarnissaat siunertaralugu immikkut iliuuseqarnissamut Naalakkersuisut 2026-ip tungaanut aningaasatigut allaffissornikkullu sinaakkutissanik ilaqaartumik periusissiamik UPA-mi 2021-mi saqqummeeqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Múte B. Egede, Inuit Ataqatigiit)

Pingaaruteqarluinnarpooq piorsarsimassutsikkut nukittorsaajuarnissaq, taamaalioraannilu kulturitoqatsinnut illersuilluta aallartissaagut. Atassummiit nuannaarutigiuarsimasatta ilagaat kalaallit amerlasuut kulturitoqaq pillugu ukiuni qaninnerusuni suli soqutiginnikkiartulersimanerat, tamanna aqutissaasutut isumaqarpunga alloriarnerusoq annertooq. Ukiuni 300-rujuni Naalagaaffeqatigiinneq inooqataaffigisimavarput, angusagut amerlasimaqaat. Pingaartutulli inisisimavoq oqaatsitta ineriaartortinnejartuarnera illersorneqartuarsimaneralu.

Inuiattut Kalaallit immikkullarissumik kultureqarpugut, tamanna avataaniit maluginiarneqarluartartoq ilisimalluarparput. Taamaammat inuuusuttortatta piorsarsimassutsikkut, kulturikkut aamma kulturitoqaq pillugu qaammarsaavigiuarnissaat atuarfeqarfinni pingaaruteqarluinnarpooq. Taamatuttaarlu inuttut inerikkiartorneq pingaartumik qaammarsaavigiuarneqarnissaa pisariaqarluinnartuusoq isumaqarpunga, tassuunatigut inuiaqtigiainni atugarissaarneq pitsaanerusumut saatinneqarsinnaalissammatt.

Kulturitsinni aamma kulturitoqqatsinni pingarnerpaajuvoq angajoqqaat meeqqaminnt ingerlatitseqqittarnissaat, tassani meeqqap inuttut inerikkiartornermini ilisimallualissammagu suna piorsarsimassuseq aamma kulturi inooqataaffigineraa.

Atassummiit pingaartitarilluinnakkatta ilagaat assaat pisinnaasut sulinissaat. Tamatta akisussaaffeqarpugut imminut pilersorsinnaasalluta, taamaaliunngikkuttami immitsinnut akisussaaffeqaqatigiinerput allarluinnarmut saattussaammat. Nammineerluta akisussaaffimmik tigusisariaqarpugut sulisinnaasut pillugit, nalunngilluinnarpalput tamatta ullumikkut nunatsinni suliffissaaleqineq inuuusuttortatta akornanni taama qaffasitsigimmat. Tamanna Atassummiit isumaqarpugut sakkortuumik oqallisigineqartariaqalersoq inuuusuttortatta akornanni sulineq pitsangorsartuarneqarnissaa, taamaattoqanngippami inuiaqatigiit akornanni atugarissaarnerup appariartuinnavinneranik kinguneqartussaammat.

Inuuusuttorpassuaqarpoq sulerusukkaluarlutik unittoornikuusimasunik, pisariaqavitsillugulu suliartorsinnaasartunik. Tamakku isiginngitsuusaaginnarlugit isumaqarpunga pisoqassangitsoq, inuuusuttortagummi siunissaraagut, oqartariaqarpugummi inuuusuttortatsinnut assaat pisinnaasut sulilerniarlik.

Atassummiit isumaqarpugut ilaatigut sakkutuujusussaatitaaneq nunatsinnut eqqunneqarsinnaaneranut oqallinneq suli ingerlanneqartariaqartoq, tassaniimmammi pineqartoq pisussamik eqquutitsisinnaaneq inuttut inerikkiartornermut ilitsersuutaalluarsinnaasoq. Sakkutuujusussaatitaaneq imaanngilaq sakkutuutut pisinnaatitaaffeqalerneq, sakkutuujusussaatitaaneq tassaavoq inuuusuttup ilinniaqqinnissaanut pisussamik eqquutitsinermut tunngasinnaasoq aamma inuuusuttup sulilernissaanut ikiortaalluarsinnaasoq. Nunatsinni taamaattumik inuuusuttunut ingerlariqqiffeqalerutta pitsaasumik inuuusuttortatta akornanni atugaqartitsilerneq siunnerfiusinnaasoq isumaqarpunga, tamanna takutereerpaa ukiorpassuarni naalagaaffeqatigiinneq akornanni qanoq pitsaasumik inerneqarsimasoq. Naalagaaffeqatittalu pitsaasumik inuuusuttortatta akornanni sulilersitsiniarnermut toqqammaviliisimanera.

Ilanngullugu qulaaniit aqtsinerujussuup pilianik, kiffaangissusiiagaanerujussuattalu kinguneranik imminut napatinnissamut imminullu piumaffiginnissinnaanermut innarligaaqqanitsinni, pisariaqarluinnarpoq eqiterussinerujussuup annikillisarnissaa, akisussaaffinnik agguataarilluarnissaq. Akisussaaffippassuit naapertuunnerusumik agguataarluaqqueriarutsigit, qitiusumiillu suliarpassuit annikillippata akileraarutip akitsuuterparujussuillu appariartuaalerpata, aamma sulerusussuseq annertusinissaa upperisariaqarpalput. Politikkeriusugummi ukiorpassuarni pikkorippallaarsimavugut akisussaaffipparujorujussuarnik tigooraanialrulta neriorsuiuarsimallatalu, tassami inuit atugaannik oqilisaarusukkaluarluta ajoraluartumik aamma nukillaarsaasimasinnaagatta.

Nunatsinni suliffissaaleqisut kisitsisai ukiuni kingullerni appariartoraluartut, kisianni nunatsinni naatsorsueqqissaartarfiup kisitsisai malillugit utoqqaasuseq apeqqutaanerpaavoq suliffissaaleqinermi. Inuuusuttorpassuaqarpoq sulisinnaagaluarlutik sulinngitsunik, tamakkua qanoq qaammarsaavigineqarnissaat isumaqarpunga oqallisigerusariaqarippu.

Illoqarfinni nunaqarfinnilu suliffissaaleqiffiusuni maluginiarneqarsinnaalluarpoq inuuussutissarsiutitigut ingerlatitsiffiusuni isertitaqqortussuseq pitsaasumik inissisimanera, killormoortuanili Illoqarfinni nunaqarfinnilu avinngarusimanerusuniittuni

maluginiarneqarsinnaalluarpoq aamma taamatut inissisimasoqartartoq ilaatigut, ilaatigullu suliffissaaleqineq annertusinnaasarluni.

Kalaallit Nunaat isorartoqaaq, isumaqarpungalu periusissiamik periarfissiilluni ingerlatsineq pisinnaalluartoq. Suliffissaaleqineq akiorniartariaqarparput periarfissaqartitsinikkut taavalu killilersuinaveersaarnikkut, taamaattoqartillugumi inuussutissarsiuteqartut amerlanerpaartaat suliffissaqartitserneqarsinnaassammata.

Politikkeriusugut qitiusumiillu suliffeqarfippassuarnik pilersitsiniartussaanngilagut suliffissaqartitsiumalluta, namminersortut taanna suliassaraat. Ugullu politikkikkut suliassaraarput namminersortunut atugassarititat pitsaanerpaffianniinnissaat, inatsisitigullu aporfissat piiarnissaat.

Namminiilivinniapiłunnerujussuummi aqqani immitsinnut artukkerujussuarluta akisussaaffipparujorujussuarnik tigooraanikuuvugut, naak inuk qitiutillugu sulisussaagaluarluta siuniissami sinnatugaq kusanartoq qitiutillugu ukiorparujussuarni sulisimavugut. Allaammi inuup inuuneranik naleqartarpoq, timikkut peqqinnissarput suliassatut artoratsigu, tarnikkullu naalliuuteqartut katataasimasutullu misigisimasut ikiorsinnaasimannginnatsigit. Kukkussutigisimasagut nassuerutigisigit ilinniarfigalugillu.

Atassummiit suliffissaaleqineq akiorniarlugu sakkutuujusussaatitaanermut suliaq ingerlakkumavavarput, akileraartarnikkut oqilisaassilluta, peqqinnissaqarfippit nukitorsarumavarput, inuk timikkut peqqissoq sulerusussuseqarnerummat, namminiilivinniapiłunneq unitsikkallarusupparput suliassarpassuit allat salliukkumagatsigit, namminersortut sulisitsisuusut annerpaamik kiffaanngissuseqarnissaat ujartorparput, inatsisitigullu namminersortunngorusuttunut oqilisaasserusulluta, qitiusumiillu aqtsinerujussuaq apparsarlugu.

Inuit nammineersinnaasut, inuiaqatigiillu nammineersinnaasut tatigaagut upperalugillu, inuummi ineriartortoq qulaaniit aquttaannarsinnaanngilarput.

Siunnersuutit marluk soqtiginartillugit Atassummiit ataatsimiititaliamut susassaqartumut ingerlateqqikkumavarput.